

Betico Croes

Respeta y Admira pa tur cu a conose



Betico tabata ser stima y admira pa chiquito y grandi y e tabata e prome politico den Antiyanan Hulandes, cu akibra tur clase di descriminacion entre raza, religion y clase. Pa tur ta igual, tur ta forma un gran pais, tur hunto ta percura pa formacion di e nacion cu semper el a soña pa a bira un realidad.

Betico a siña su pueblo pensa amplio, pensa grandi, pensa internacional. E tabata papia riba acontecimentonan cu tabata sosode tur rond di

mundo y esaki tabata hacie dia pa dia mas admira.

Correspondencianan di tur parti di mundo tabata yega na su despacho, sea di un mucha di school, un estudiante, hendenan cu tabata apoye te cu e politiconan mas grandi cu pa medio di nan correspondencia tabata apoye den su intentonan.

Nos conoce otro politiconan, estadistanan cu a traha duro pa nos baranca stima, pero ningun di e tamaño di Betico, principalmente su vision

politico tabata grandi y no tabata conoce frontera.

Su discursonan tabata yena su pueblo cu speranza y amor y nan fe pa nos pais tabata crece dia pa dia.

E por a papia oranan largo, e por a ripti e mes un frasenan, pero toch e pueblo tabata tende y te ainda tin hopi Arubianonan tin su voz graba, pa de vez en cuando scuche, pa nan por haya consuelo.

Suchanco su voz e speranza y deseo por rebiba cu un dia e estilo di hiba politica di Betico por bolbe, na unda no tabata existi ni odio ni rencor. E por tabata tin diferencianan di opinion den salanan di reunion, na unda e por ta duro manera baranca, dependiendo su pais y e lucha, pero saliendo pafo e ta e ser humano cu un curazon entrega na su pueblo y su hendenan. Poco ta e ocasion nan cu e tabata tin un pleito regal, fuera di lo comun, fuera di reunionnan.

Ken ta Betico

Señor Betico Croes a nace 25 di januari 1938. Betico



desde hoben tabata tin un gran simpatia pa su distrito Santa Cruz y tabata activo riba diferente tereno. E tabata conoci como un estudiante sobresaliente y tabata cla pa

yuda na cualquier ocasion. Despues di a termina 3de klas di HBS na St Dominicus College, ela bai Hulanda pa

Sigui lesa pag. 49



Cont. di pag. 47

studia pa maestro di school. Na 1959 ela termina su estudio y ela regresa Aruba pa bin traha pa e hubentud Arubiano. Desde 1959 pa 1969 ela traha na St. Jozefschool na unda e mester a organisa celebracion di 25 aña di existencia di e school. Tabata pa promer biaha cu St. Jozefschool, actualmente Colegio San Jose, a conoce su propio banda. Betico no tabata activo solamente na school ,pero tambe den diferente organisacionan social di Aruba. Tambe e tabata hopi activo den misa como dirigente di e coro y den otro actividadnan di misa.. Tambe Betico a traha añanan largo na St. Antonius College na Santa Cruz .

Politico Betico Croes.

Betico drenta politica activo na 1967 ,algo cu henter nos pueblo tabata desea y cu semper tabata hancra na su curazon.

Dia 1 di juli 1967 ela worde nombra como diputado y a keda ocupa e puesto aki te cu 1970. Schoolnan na Macuarima, Pos Chiquito a worde construi y expansion di Colegio Aruba, John F Kennedy School y diferente otro schoolnan a tuma lugar tempo cu Betico tabata diputado.

ESporthal na Santa Cruz tambe tabata un di e proyectonan di Betico ,tempo cu e tabata diputado. Cu hopi esfuerso e la logra convence expertonan e tempo ei cu Santa Cruz ta e

por worde construi, mirando su situacion central.

Dia 9 di februari 1971 MEP a ser funda na su cas y dia 14 di februari 1971 el a keda nombra como lider y presidente di MEP.

Betico ta e politico cu mas tanto voto a haya riba su number.

Betico , como Consehero General di gobierno insular di Aruba e tempo ei, a conseha e gobierno insular pa percura pa Aruba tin su propio Himno y Bandera oficialmente. Duro



a worde traha y hopi critica, manera semper, Betico a hanja ,pero awe nos tur ta orguyoso cu nos isla, pa chiquito cu e

Siqui lesa pag. 50



Cont. di pag. 49

por ta, tin su propio Himno y Bandera.

Despues cu tanto Hulanda como Nacionnan Uni a conseha gobierno insular di Aruba pa organisa un referendum pa sa exactamente e berdadero deseo di nos pueblo, Betico hunto cu e diputadonan a percura cu e referendum lo tuma lugar. No solamente Betico tabata desea di sa e deseo exacto di nos pueblo, pero como politico responsabel pa cu e futuro di Aruba, a mira esaki necesario. El a percura e tempo ey pa duna nos pueblo tur informacion cu nan tabata desea. Pueblo no solamente a bay vota den referendum simplemente como simpatisante di nos lucha, pero despues di a haya tur clase di informacion y tabata convenci cu esaki tabata pa

salbacion di Aruba. Despues di e referendum henter mundo tabata na haltura di e deseo di e pueblo Arubiano.

Aruba awe ta recorde como un persona cu a logra cosnan grandi pa Aruba. Y pa su dedicacion awe tin un dia nacional dedica na dje riba su fecha natal, caminda e pueblo den diferente barionan ta pone actividadnan pa asina recorda e personahe grandi aki di Aruba, Betico Croes.

Algun expresion di Betico

“Nos kier felicidad di nos generacionnan, nos kier felicidad di nos yiunan, nos kier salba Aruba, nos kier salba nos cultura, nos kier salba nos dignidad, y nos no kier pa ningun isla, ningun pais bin domina nos, bin caba cu nos cultura, bin caba cu nos identidad, pasobra nos ta

un pueblo chiquito, pero un pueblo cu tin un amor grandi pa e teritorio aki”.

“Awenostaweitabanderanan aki, ta pueblonan soberano, pueblonan cu tin nan libertad. Di ainda no ta pero nos ta duna boso e garantia cu nos lo lucha incansablemente pa pone e bandera ey den fila di e paisnan soberano, pa asina garantiza e libertad di e pueblo di Aruba”. Betico 1976.



“Respeto derecho di otro, esey ta garantiza bo paz.

“Nos a dicidi di pone nos amor patrio den e lucha aki, nos creatividad, nos bida, nos energia pa nos por realiza e causa aki”.

“Hopi aña pasa nos a cuminza cu un lucha, unda nos tabata tin un pueblo dividi, y nos tabata tin Antiyas contra nos, y na nos manera nos a realiza e libertad di nos pueblo”.

“Semper mi tabata carga e confianza y fe den e pueblo aki, semper mi a carga e confianza y fe den e mentalidad y caracter di e

pueblo aki”.

“Un pueblo cu no ta liber, ta un pueblo infeliz. Den un pueblo cu no ta liber no tin felicidad pa mi propio yiunan”.

“Ta pesey si nos mester cay na caminda, hamas boso laga e causa un banda, pero gara e bandera Arubano y sigui lucha pa realiza y preserva e libertad di nos pueblo”.

“E hecho cu mi a wordo golpea, e hecho cu mi a wordo benta den prison, e hecho cu mi a wordo tira ta pa motibo cu mi a hiba e liderazgo di e partido cu a hiba e lucha aki den fase di realizacion”.

Want to play soccer at a Pro Level?



Noord Football College (7-14 years)

We are a formal institution committed to teaching, guiding and developing a high-level of performance in soccer based on a professional disciplinary and dynamic program.

We offer a technically qualified and experienced staff, first aid, optimal material, 10 levels of instructions (theoretical, physical, technical, tactical), sport international exchange program and uniforms (adidas).

Capacity: 20 students

Program starts on Tuesday, 3 February 2015



MARRIOTT RESORT
ARUBA
STELLARIS CASINO



6005782 @Noordfc@gmail.com

